

孰不惡決裂而望妥協。然竊謂奉直已成一大系統。今日雖暫時妥協。他日豈能永無事變發生。而事事出雙方之同意。是不決裂終無息爭之一日也。蓋決裂則勝負始分。勝負分則壹倒一立。雖欲爭自無由爭矣。如直皖之戰。其一例也。吾故曰。與其妥協。毋寧決裂。

世界要聞

美總統禁運軍械入中國

華盛頓電。中國擾亂情形。現迄未有艾。故奧總統哈定氏。特遵照國會於正月卅一日通過禁運軍械入華之議案。而於是星期一發出正式布告。禁止載運軍械子彈輸入中國。美國此舉。蓋恐其軍械既入中國。或益致中國內亂情形。更形劇烈也。

●南洋最富之華商避地

▲爲避免荷政府苛征事
南洋荷屬通訊云。海外第一富豪之華僑。當推荷屬三寶壟巨商黃仲涵。黃氏商務實業遍荷島。資產逾千萬。近忽傳其失跡。